

OYSTER PERPETUAL LADY-DATEJUST PEARLMASTER



ROLEX



MICHELSEN

ÚRSMÍÐIR SÍÐAN 1909

Laugavegur 15 - 101 Reykjavík
511 1900 - www.sviss.is

MARKAÐURINN

Miðvikudagur 4. júlí 2012 | 12. tölublað | 8. árgangur

Sími: 512 5000 | [visir](http://www.visir.is) www.visir.is

Hraði!
Skilvirkni!
Sveigjanleiki!

GUÐJÓNÓ
VISTVÆN PRENTSMÍÐJA
Sími 511 1234 • www.gudjono.is



Verðum að ráða við tækifærin

→ Forstjóri Mannvísni segir gríðarlega stór tækifæri blasa við Íslendingum, meðal annars vegna olúvinnslu

→ Stöndumst ekki samanburð varðandi háskólamenntun auk þess sem of fátt tækni-fólk útskrifast

→ Segir hugmyndina að Geysi Green Energy hafa verið góða en framkvæmd hennar ekki

Deloitte hagnaðist um 300 milljónir króna á árinu 2011

Endurskoðunarfyrirtækið Deloitte hagnaðist um 300,1 milljón króna á síðasta rekstrarári sínu og stjórn þess leggur til að allur hagnaðurinn verði greiddur út til hluthafa. Eigandi 99,9 prósent hlutar í Deloitte er samlagsfélagið D&T sf., sem er í eigu 37 starfsmanna fyrirtækisins. Þetta kemur fram í ársreikningi Deloitte sem skilað var inn til fyrirtækjaskráar nýverið.

Rekstrarár Deloitte stendur frá byrjun júní til loka maí. Fyrirtækið hagnaðist um samtals 530 milljónir króna á rekstrarárunum 2009 og 2010 og greiddi nánast allan þann hagnað út í arð. Samtals hefur hagnaður, og arðgreiðslur, Deloitte á síðustu þremur árum því numið um 830 milljónum króna.

Á meðal endurskoðunarfyrirtækja hefur einungis KPMG skilað meiri hagnaði á síðustu þremur árum, eða samtals um 1,4 milljörðum króna. Það hefur þegar greitt út 1,1 milljarð króna í arð til 33 hluthafa sinna vegna frammistöðu á rekstrarárunum 2009 og 2010. Tillaga um arðgreiðslu vegna rekstrarársins 2011, þegar KPMG hagnaðist um 408 milljónir króna, er ekki tilgreind í ársreikningi félagsins.

- ÞSJ

Brún Íslendinga að lyftast

Íslenskir neytendur hafa ekki verið bjartsýnni á horfur í efnahags- og atvinnulífi frá því fyrir hrun. Þetta leiðir væntingavísitala Gallup í ljós en hún hækkaði um 6,6 stig í júní og mælist nú 79,9 stig. Til samanburðar stóð vísitalan í 65,4 stigum fyrir ári síðan en fara þarf aftur til maí árið 2008 til að finna herra gildi.

Capacent Gallup mælir væntingar neytenda einu sinni í mánuði. Þegar vísitalan er undir 100 stigum eru fleiri neikvæðir en jákvæðir en hún hefur verið undir 100 stigum frá því í febrúar árið 2008.

Ársfjórðungsleg vísitala Capacent Gallup um fyrirhuguð stórkaup var einnig birt í gær en hún hækkaði lítillega á milli fjórðunga eða um 1,7 stig. Vísitalan stendur nú í 54,1 stigi og hefur ekki verið hærri frá því í júní 2008.

- MPL

OAKLEY



Sá sem gerir kröfu um mestu skerpu og vörn fyrir augun velur **OAKLEY** með HDO gleri. Fáanleg með styrkleika.

Birgir Gilbertsson
járnkarl.


OPTICAL STUDIO/OAKLEY-umboðið á Íslandi

Optical Studio

SMÁRALIND • LEIFSTÖÐ • KEFLAVÍK

Fróðleiksmolinn

DataMarket



Leiguverð á höfuðborgarsvæðinu og Akureyri

Í febrúar 2012 hóf Þjóðskrá Íslands að birta í fyrsta sinn upplýsingar um húsaleigu eftir staðsetningu og stærðarflokkum fasteigna á landinu og vísitölu leiguverðs á höfuðborgarsvæðinu. Ofangreind mynd sýnir meðalleiguverð á hvern fermetra í maí 2012 fyrir mismunandi stærðir íbúða eftir hverfum á höfuðborgarsvæðinu og á Akureyri. Í öllum tilvikum er meðalleiguverð á 2 herbergja íbúðum hæst en lægst á 4-5 herbergja íbúðum. Samkvæmt þessum tölum er leiguverðið hæst í Reykjavík á 2 herbergja íbúðum vestan Kringlumýrabrautar og á Seltjarnarnesi eða kr. 1.914 á hvern fermetra.

HEIMILD: ÞJÓÐSKRÁ ÍSLANDS

SKOÐA NÁÐAR Á DATAMARKET: HTTP://DATA.IS/N3RVKS

Dagatal viðskiptalífsins

keldan
dagatal viðskiptalífsins

MIÐVIKUDAGUR 4. JÚLÍ

- Fasteignamarkaðurinn í mánuðinum eftir landshlutum
- Vöruskipti við útlönd
- Lífeyrissjóðir – hagtölur Sí
- Gjaldeyrismarkaður – hagtölur Sí
- Krónumarkaður – hagtölur Sí
- Raungengi – hagtölur Sí

FIMMTUDAGUR 5. JÚLÍ

- Gistinætur og gestakomur á hótélum í maí 2012

FÖSTUDAGUR 6. JÚLÍ

- Efnahagur Seðlabankans – hagtölur Sí
- Útboð ríkisbréfa

MÁNUDAGUR 9. JÚLÍ

- Markaðsupplýsingar Lánamála Ríkisins
- Erlend staða Seðlabankans – hagtölur Sí

ÞRIÐJUDAGUR 10. JÚLÍ

- Fjöldi þinglýstra leigusamninga

MIÐVIKUDAGUR 11. JÚLÍ

- Nýjar upplýsingar úr Þjóðskráð (talningar)

FIMMTUDAGUR 12. JÚLÍ

- Smásöluvísitala RSV
- Gjaldeyrisforði og tengdir liðir – hagtölur Sí
- Útboð ríkisvixla

FÖSTUDAGUR 13. JÚLÍ

- Trúfélagsbreytingar
- Atvinnuleysi í júní 2012
- Greiðslumiðlun

Allar markaðsupplýsingar eru aðgengilegar á **VÍSIR**

Í **SÓKN** Rekstur HB Granda, stærsta útgerðarfirmis landsins þegar horft er til starfsemi á Íslandi, hefur gengið mjög vel á undanföllum árum. Félagið hagnaðist um 6,2 milljarða króna í fyrra. Eggert Benedikt Guðmundsson er forstjóri HB Granda. FRÉTTABLAÐIÐ/ANTON BRINK

HB Grandi ætlar að fjárfesta fyrir milljarð

Faxaflóahafnir hafa fengið umsókn frá HB Granda þar sem óskað er eftir því að fá að byggja frystigeymslur á Granda. Kostar um milljarð, að sögn forstjórans. HB Grandi hagnaðist um 6,2 milljarða í fyrra og greiddi 679 milljónir í arð.

SÍÁVARÚTVEGUR

Þóður Snær Júlíusson
thordur@frettabladid.is

HB Grandi ætlar að byggja frystigeymslu fyrir sjó- og landvinnslu sína á starfssvæði sínu á Granda. Heildarumfang fjárfestingarinnar er um milljarður króna, að sögn Eggerts Benedikts Guðmundssonar, forstjóra Granda.

Í fundargerð stjórnar Faxaflóahafnar frá því í síðasta mánuði kemur fram að HB Grandi hafi lagt inn umsókn um „lód og stækkun lóðar á Norðurgarði“. Stjórnin tók umsóknina fyrir á fundi sínum 22. júní síðastliðinn. Í fundargerðinni kom fram að stjórnin telji „jákvætt að fyrirtækið vilji byggja upp á svæðinu“.

Eggert segir að um sé að ræða lód sem liggur í framhaldi af því svæði þar sem HB Grandi er með sína landvinnslu í dag. „Þarna höfum við hug á að koma okkur upp frystigeymslu, bæði fyrir sjóvinnsluna og landvinnsluna. Þetta er mikil framkvæmd. En okkur vantar frystigeymslu og þetta er hluti af okkar rekstri, að hafa almennilega frystigeymslu.“

Spurður um hversu stóra fjárfestingu sé að ræða segir Eggert ekki vera kominn endanlegan botn í það. „En þetta er ein-

MUNU BORGAR MUN MEIRA Í VEIÐIGJALD

HB Grandi greiddi 2,4 milljónir evra í veiðigjald á árinu 2011, samkvæmt síðasta birta ársreikningi félagsins. Á gengi dagsins í dag er sú upphæð um 380 milljónir króna. Árið áður greiddi það um eina milljón evra og á árinu 2009 aðeins 566 þúsund evrur. Samtals hefur HB Grandi því greitt, á gengi dagsins í dag, um 628 milljónir króna í veiðigjald á síðustu þremur árum. Í júní voru afgreidd frá Alþingi lög um veiðigjald á næsta fiskveiðarári sem fela í sér verulegar breytingar frá því sem áður var. Nú er áætlað að gjaldið skili ríkissjóði 12,7 til 13,8 milljörðum króna á ári. Fyrir síðasta fiskveiðarári greiddu útgerðir 4,5 milljarða króna. Því er um allt að þreföldun að ræða.

hvers staðar í kringum milljarð króna. Það er ekki alveg klárt hvenær við getum hafið framkvæmdir. Það gæti þó orðið tiltölulega fjötlega og ætti að geta gengið hratt og vel ef þetta fer eins og við vonum.“

Rekstur HB Granda hefur gengið afar vel á undanföllum árum. Fyrirtækið hagnaðist um 37,3 milljónir evra, um 6,2 milljarða króna, í fyrra. Það er tæplega fimm sinnum meira en hagnaður þess var árið 2010, þegar hann var 7,8 milljónir evra, eða um 1,2 milljarðar króna. Félagið hefur auk þess verið að grynna á skuldum sínum. Þær minnkuðu um 2,4 milljarða króna í fyrra og stóðu í um 23,3 milljörðum króna um síðustu áramót. Á sama tíma voru eignir HB Granda metnar á 51,1 milljarð króna. Eiginfjárlut-

fall þess var 54,4 prósent. Störfum hjá félaginu fjölgaði um 68 á milli ára. Vert er að taka fram að HB Grandi gerir upp í evrum líkt og öll helstu útgerðarfirmir landsins. Umreiknun í krónur er öll á gengi dagsins í dag.

Stjórn fyrirtækisins lagði til á aðalfundi fyrr á þessu ári að félagið greiddi 679 milljónir króna í arð vegna frammistöðu þess á árinu 2011. Samtals hefur HB Grandi greitt eigendum sínum 1.223 milljónir króna í arð á árunum 2010 til 2012. Stærsti eigandi HB Granda er Vogun ehf. með 40,1 prósent eignarhlut. Félagið er meðal annars í eigu Árna Vilhjálmssonar, stjórnarformanns HB Granda. Næststærsti eigandi er Eignarbjarg, dótturfélag Arion banka, með 33,2 prósent hlut.

Stækkunaráform í pípunum hjá gagnaveri:

Thor Data Center tapaði 180 milljónum

Thor Data Center, sem á og rekur gagnaver í Hafnarfirði, tapaði 180,2 milljónum króna í fyrra. Það er heldur meira en fyrirtækið tapaði á árinu 2010 þegar tapið nam 145,9 milljónum. Þetta kemur fram í ársreikningi Thor Data Center sem skilað var inn til ársreikningaskráar í lok maí síðastliðins.

Thor Data Center var stofnað árið 2009 með það fyrir augum að koma á fót gagnaveri sem nýtir ódýra græna orku sem er í senn hagkvæm og mengar ekki. Sumarið 2010 voru fyrirtækinu lagðar til 400 milljónir króna í nýtt hlutfé. Á meðal þeirra sem tóku þátt í aukningunni var Fjárfestingafélagið Títan, í eigu Skúla Mogensen, sem eignaðist 33 prósent hlut.

Í nóvember 2011 var allt hlutfé í Thor Data Center selt til Advania. Kaupverðið fékkst ekki uppgefið. Í janúar 2012 keypti Títan síðan 5,17 prósent hlut í Advania á um 140 milljónir króna og var þar með orðið óbeinn eigandi að Thor Data Center á ný.

Í byrjun júní var tilkynnt að Thor Data Center hefði fengið vilyrði fyrir tvöföldun á núverandi lód fyrirtækisins og að eftir tvöföldunina verði gagnaverið tæplega sex þúsund fermetrar að stærð. Jafnframt hefur Advania fengið vilyrði fyrir 30 þúsund fermetra lód skammt frá þar sem framtíðaráform eru um að reisa annað gagnaver, allt að 20 þúsund fermetra að stærð með 10 metra lofthæð.

- þsj

VALFRJÁLST TILBOÐ Í HLUTABRÉF ÖSSURAR HF.

TILBOÐSYFIRLIT GERT OPINBERT

Þann 22. maí 2012 tilkynnti William Demant Invest A/S (WDI) um valfrjálst tilboð í hlutabréf Össurar hf. (Össur).

Upplýsingar um tilboðið hafa nú verið gerðar opinberar í tilboðsyfirliti, sem staðfest hefur verið af Fjármálaeftirlitinu.

Tilboðsyfirlitið má nálgast á heimasíðu Össurar, www.ossur.com, en það verður jafnframt sent til nafnskráðra hluthafa í hlutaskrá Össurar.

Tilboðið gildir frá og með 9. júlí 2012 til kl. 14 þann 7. ágúst 2012, nema tilkynnt sé um annað.

4. júlí 2012

William Demant Invest
- an investment company fully owned by the Oticon Foundation



Við bjóðum fyrirtækjum sérþekkingu

Okkar vinna snýst um að þín vinna gangi vel. Við leggjum okkur fram um að setja okkur vel inn í það sem þú ert að gera, og þó að við þekkjum kannski ekki viðfangsefnið í þínu starfi jafn vel og þú, þá vitum við hvað starfið gengur út á.

Starfsfólk Íslandsbanka býr yfir áratuga reynslu í þjónustu við sjávarútveginn og hjá bankanum starfar stór hópur fólks með sérþekkingu á greininni. Þannig getum við ávallt tryggt fyrirtækjum í þessari undirstöðuatvinnugrein þjóðarinnar þá bankaþjónustu sem hún þarfnast.

Þekking sprettur af áhuga.

Hallgrímur Magnús Sigurjónsson hefur yfir 30 ára reynslu af sjávarútvegi og fjármögnun fyrir fyrirtæki í sjávarútvegi.

Hallgrímur Magnús er útibússtjóri hjá Íslandsbanka á Ísafirði.

Við bjóðum
góða þjónustu

islandsbanki.is | Sími 440 4000


Íslandsbanki

Mikið tap á seljendaláni vegna sölu á danska bankanum FIH:

Seðlabanki þarf ekki að upplýsa um virðið

Úrskurðarnefnd um upplýsingamál hefur staðfest ákvörðun Seðlabanka Íslands um að synja beiðni Markaðarins um upplýsingar um hvert bókfært virði seljendaláns bankans til nýrra eigenda hins danska banka FIH var um síðustu áramót.

Í rökstuðningi sínum fyrir afhendingu gagnanna benti Markaðurinn á að Seðlabankinn hefði þegar greint frá bókfærðu virði lánsins á heimasíðu sinni þegar það var veitt í september 2010. Því væri ekki verið að biðja um nýjar upplýsingar heldur uppfærslu á áður birtum upplýsingum.

Seðlabankinn taldi sig á hinn bóginn bundinn þagnarskyldu. Á það féllst úrskurðarnefndin eftir að hafa fengið afhenta greinargerð frá Seðlabankanum þar sem fjallað var um „stöðu á skuldabréfi sem tengist sölu á danska bankanum FIH og samninga sem staðið hefur verið að um breytingar og/eða uppgjör þess“. Í úrskurði hennar segir að „af enni þeirra er óhjákvæmilegt annað en



TAP Seðlabankinn lánaði Kaupþingi 500 milljónir evra og tók veð í FIH. Tugmilljarða króna tap verður á þeim viðskiptum. FRÉTTABLAÐIÐ/ARNPÓR

að fallast á að þær falli undir sérstakt þagnarskylduákvæði 34. gr. Laga [...] um Seðlabanka Íslands“.

Alls var seljendalánið upp á 3,1 milljarð danskra króna, eða um 66 milljarða króna á gengi dagsins í dag. Ljóst er að það er tapað að mestu en hversu mikið, ef eitthvað, fæst til baka kemur ekki í ljós fyrr en á árinu 2015.

Bankastjóri FIH, Bjarne Graven Larsen, sagði í samtali við FinansWatch í júní að litlar líkur væru á að Seðlabankinn fengi eitthvað upp í lánið. - þsj



HÖFÐATORGI Í GÆR Pau Björn Z. Ásgrímsson sérfræðingur, Unnur Gunnarsdóttir, starfandi forstjóri, og Halldóra E. Ólafsdóttir framkvæmdastjóri fjölluðu um stöðu lífeyrissjóðakerfisins á fundi með blaðamönnum í gær. FRÉTTABLAÐIÐ/VALLI

Draga þarf úr halla lífeyrissjóðakerfisins

Íslenska lífeyrissjóðakerfið er hlutfallslega hið næststærsta í Evrópu. Það glímir þó við vissa veikleika sem brýnt er að taka á að mati FME. Ekki hefur tekist að ná 3,5% ávöxtunarviðmiði frá árinu 2006, að hluta til vegna gjaldeyrishaftanna.

LÍFEYRISSJÓÐIR

Magnús Þorlákur Lúðvíksson
magnusl@frettabladid.is

Íslenska lífeyrissjóðakerfið er öflugt en glímir þó við ákveðna veikleika. Þetta er mat Fjármálaeftirlitsins (FME) sem kynnti samantekt á stöðu lífeyrissjóðanna fyrir fjölmiðlum á skrifstofu sinni í turninum við Höfðatorg í gær. Þá hvetur FME til þess að dregið verði úr halla í lífeyrissjóðum með því að hækka iðgjöld, skerða réttindi sjóðsfélaga eða hækka lífeyrisaldur.

Heildareignir lífeyrissjóðanna voru 2.230 milljarðar króna í lok síðasta árs sem jafngildir tæpum þriðjungi af heildareignum eftirlitsskyldra aðila á fjármálamarkaði, það er banka, lífeyrissjóða, Íbúðalánasjóðs, verðbréfasjóða og váttryggingafélaga.

Hlutfall heildareigna lífeyrissjóðanna af vergri landsframleiðslu var í lok síðasta árs 137% sem er nánast sama tala og var í lok árs 2007. Eignir lífeyrissjóðanna minnkuðu um rúman fimmtung á árinu 2008 en hafa vaxið síðan. Sem hlutfall af landsframleiðslu er íslenska lífeyrissjóðakerfið því hið næststærsta í Evrópu á eftir því hollenska.

Langstærstur hluti eigna lífeyrissjóðanna er vegna skyldu-sparnaðar einstaklinga eða 1.889 milljarðar. Um 209 milljarðar eru vegna séreignarsparnaðar lífeyrissjóðanna og 132 milljarðar vegna séreignarsparnaðar hjá fjármálafræðingjum, líftryggingarfélögum og erlendum aðilum.

Fimm stærstu lífeyrissjóðir landsins; Lífeyrissjóður starfsmanna ríkisins (LSR), Lífeyrissjóður verslunarmanna (LV), Gildi lífeyrissjóður, Stapi lífeyrissjóður og Sameinandi lífeyrissjóðurinn, eru sem fyrr risar í kerfinu en samanlagt mynda sjóðirnir fimm 54,8% af kerfinu sé miðað við hreina eign.

Þrátt fyrir miklar eignir er tryggingafræðileg staða lífeyrissjóðakerfisins neikvæð um háar fjárhæðir en tryggingafræðileg staða þeirra segir til um hversu vel eignir þeirra duga fyrir skuldum þegar tekið er tillit til allra eigna og skulda, bæði áfallinna sem og þeirra sem vænt er að

ÁVÖXTUNARVIÐMIÐ EKKI NÁÐST FRÁ 2006

Raunávöxtun lífeyrissjóðanna á árinu 2011 var 2,5% en var til samanburðar 2,7% á árinu 2010. Lögbundið ávöxtunarviðmið sjóðanna er 3,5% en það hefur ekki náðst frá árinu 2006 þegar raunávöxtun þeirra var 10,2%. Þó ber að hafa í huga að lífeyrissjóðir eru langtímafjárfestar og viðbúið að sveiflur verði í ávöxtun þeirra.

Í máli Unnar Gunnarsdóttur, starfandi forstjóra FME, á fundinum í gær kom fram að gjaldeyrishöftin þrengdu verulega að fjárfestingarmöguleikum lífeyrissjóðanna og stuðluðu að lægra vaxtastigi en ella. Það væri ein af ástæðum þess að lífeyrissjóðunum hefur ekki tekist að ná ávöxtunarviðmiði sínu síðustu árin.

Þá fjallaði Halldóra E. Ólafsdóttir, framkvæmdastjóri eftirlitssviðs FME, um dreifingu eigna lífeyrissjóðanna á fundinum. Í máli hennar kom meðal annars fram að hlutfall skuldabréfa ríkis og sveitarfélaga af eignasafni lífeyrissjóðanna hefur aukist úr 26% í 48% frá 2008. Því hafi áhættudreifing í eignasöfnunum verið að minnka.

verði til í framtíðinni. Staðan er því mælikvarði á styrk sjóðanna og gefur sem slíkur mun betri mynd af raunverulegri stöðu lífeyrissjóðanna en eignastaða þeirra. Sé staðan neikvæð er ljóst að sjóðirnir hafa ekki getu til þess að standa við allar skuldbindingar sínar. Þar með þarf að óbreyttu að hækka iðgjöld þeirra, minnka réttindi sjóðsfélaga eða hækka lífeyrisaldur, eða þá velja blöndu af þessu þrennu.

Unnur Gunnarsdóttir, starfandi forstjóri FME, sagði mjög brýnt að draga úr tryggingafræðilegum halla, sérstaklega hjá lífeyrissjóðum ríkisins og sveitarfélaga. Hún bætti þó við að þegar upp væri staðið væri það pólitísk spurning að hve miklu leyti opinberu lífeyrissjóðirnir eigi að vera annars vegar sjóðasöfnunarsjóðir og hins vegar gegnumstreymissjóðir. Að mati FME sem eftirlitsaðila sé skynsamlegra að leggja áherslu á sjóðasöfnun en þegar opinberir aðilar þurfa að greiða með sjóðunum eru sjóðirnir í raun orðnir gegnumstreymissjóðir að hluta.

Tryggingafræðileg staða lífeyrissjóðakerfisins var í lok síðasta árs neikvæð um alls 668 milljarða króna sem jafngildir 17,1% af kerfinu. Munar mestu um stöðu LSR en tryggingafræðileg staða hans er neikvæð um ríflega 430 milljarða króna.

Tryggingafræðilega staðan versnaði um 17 milljarða á milli ára en sem hlutfall af kerfinu hefur staðan batnað nokkuð síðustu misseri en hún var til dæmis neikvæð um 20,8% í lok árs 2009. Stafar betri staða þó ekki af

góðri ávöxtun sjóðanna heldur því að lífeyrissjóðir án ábyrgðar launagreiðenda hafa skert réttindi sjóðsfélaga um 130 milljarða króna hið minnsta frá hrúni.

Almennt er tryggingafræðileg staða sjóða með ábyrgð launagreiðenda mun verri en hinna þar sem engin slík ábyrgð er til staðar. Tólf af þeim 33 lífeyrissjóðum sem eru undir eftirliti FME njóta ábyrgðar launagreiðenda en í öllum tilfellum er um að ræða lífeyrissjóði starfsmanna ríkis og sveitarfélaga. Felur ábyrgðin í sér að þessir opinberu aðilar þurfa að hlaupta undir bagga með sjóðunum geti þeir ekki staðið við skuldbindingar sínar. Allir sjóðirnir tólf hafa neikvæða tryggingafræðilega stöðu á bilinu 22,9% til 99,4%.

Af hinum almennu sjóðum eru einungis þrír með jákvæða tryggingafræðilega stöðu; Íslenski lífeyrissjóðurinn, Lífeyrissjóður Búnaðarbanka Íslands og Lífeyrissjóður tannlækna. Allir aðrir sjóðir eru með neikvæða stöðu á bilinu 0,4% til 13,1%.

Samkvæmt nýgildandi lögum má hallinn á tryggingafræðilegri stöðu lífeyrissjóða án ábyrgðar launagreiðenda ekki vera hærri en 15% í eitt ár eða 10% í fimm ár en ella þarf að lækka réttindi sjóðsfélaga. Miðað við stöðu sjóðanna í árslok 2011 þarf því enginn að minnka réttindi um sinn.

Hins vegar er ekki leyfilegt samkvæmt lögum að skerða réttindi sjóðsfélaga í opinberu lífeyrissjóðunum og því eina leiðin til að laga tryggingafræðilega stöðu þeirra sú að hækka iðgjöld að óbreyttum lögum.



DEUTSCHE BANK Þýski bankinn hefur víðtækar heimildir til að fara með málefni Peru ehf., komi til viðvarandi vanefnda á skuld félagsins við hann. Josef Ackermann var forstjóri Deutsche Bank fram til loka maí síðastliðins.

Fjármögnunarfyrirtækið Lýsing tapaði 4,3 milljörðum á síðasta ári:

Greiddi Deutsche Bank 35 milljarða

Pera ehf., dótturfélag Lýsingar, endurgreiddi þýska bankarísanum Deutsche Bank 35 milljarða króna af skuld sinni við hann um miðjan mars síðastliðinn. Engin ný lán voru tekin vegna greiðslunnar að sögn Magnúsar Scheving Thorsteinssonar, stjórnarformanns Lýsingar.

Lýsing og dótturfélög töpuðu samtals 4,3 milljörðum króna á árinu 2011. Árið áður hafði fyrirtækið tapað 24 milljörðum króna. Eigið fé þess var samt sem áður 8,6 milljarðar króna um síðustu áramót. Í áritun endurskoðenda samstæðunnar kemur fram að margháttuð óvissa sé um afdrif ýmissa dómsmála sem rekin eru til að komast að lögmæti ýmissa lánasamninga sem Lýsing hefur gert. Þar segir að niðurstaða þeirra geti „haft veruleg áhrif á mat eigna, eigið fé og rekstrarhæfi félagsins“. Á meðal þeirra mála sem tiltekin eru í ársreikningnum er hið svokallaða „Smákranamál“ sem snýst um lögmæti gengistryggingar fjármögnunarleigusamnings. Í ársreikningnum segir að gera meg ráð fyrir því að það þurfi að færa niður eigið fé Lýsingar um fimm til sex milljarða tapist málið. Hæstirétt-

ur sýknaði hins vegar Lýsingu af kröfum Smákrana í lok maí síðastliðins. Um var að ræða stærsta einstaka óvissuþátt í efnahagsreikningi Lýsingar.

Pera, dótturfélag Lýsingar sem heldur utan um tugmilljarða lána-fyrirgreiðslu frá Deutsche Bank, skuldaði 91,3 milljarða króna um síðustu áramót. Eigið fé félagsins var neikvætt um 21,9 milljarða króna en handbært fé þess var samt sem áður um 36 milljarðar króna. Það var notað til að greiða um 35 milljarða króna til Deutsche Bank þann 16. mars síðastliðinn. Magnús segir vissulega um hröðun á greiðslum að ræða. Greiðslan nú dragi hins vegar úr gjaldeyrissáttu félagsins auk þess sem hún hafi jákvæð áhrif á eiginfjárlutfall í samstæðureikningi Lýsingar.

Pera er veðsett Deutsche Bank til tryggingar á skuldbindingum Lýsingarsamstæðunnar við bankann. Í ársreikningi Peru segir auk þess að Deutsche Bank hafi „viðtækar heimildir til að fara með málefni Peru ehf. komi til viðvarandi vanefnda sem ekki verður úr bætt“. Lýsingarsamstæðan er í eigu Klakka ehf., sem áður hét Exista. - þsj

Gríðarleg tækifæri fram undan

Mannvit velti 8,7 milljörðum króna í fyrra. Fyrirtækið breytti algjörlegu áherslum sínum eftir bankahrun og sérhæfir sig nú í orku og iðnaði. Mannvit er búið að stofna félag í Noregi og horfir í auknum mæli til námu- og olíuvinnslu í Grænlandi eftir framtíðarverkefnum.

VIÐTAL

Pórrur Snær Júlíusson
thordur@frettabladid.is

Verkfræði- og ráðgjafarfyrirtækið Mannvit átti mjög gott rekstrarár á síðasta ári. Velta fyrirtækisins var 8,7 milljarðar króna og hagnaður þess fyrir fjármagnsliði, afskriftir og skatta 1,1 milljarður króna. Hagnaður þess var 751 milljón króna.

Eyjólfur Árni Rafnsson, forstjóri Mannvits, segir árið 2011 hafa verið það besta, rekstrarlega séð, frá upphafi. „Þótt við horfum alla leið aftur til upphafs þeirra þriggja fyrirtækja sem síðar urðu Mannvit (VGK, Hönnun og Rafhönnun), en það er á árinu 1963, þá er þetta samt besta árið. Því fylgir auðvitað heppni, en við förum í gegnum mjög mikla naflaskoðun haustið 2008.

Svo settum við niður fætturna og horfðum fram á veginn strax í upphafi árs 2009. Við breyttum áherslum okkar. Á árunum 2006 til 2008 vorum við mjög umsvifamikil í þjónustu við bygginga-geirann, sveitarfélög og ríkið. Þessi þjónusta var um 60 prósent af okkar umfangi. Hún var eiginlega orðin óeðlilega stór hluti. Þetta hefur breyst hjá okkur núna. Þessi þjónusta, sem við flokkum sem mannvirkjagerð, er nú undir 20 prósentum af því sem við gerum. Um 60 prósent er nú þjónusta við iðnað og um 20 prósent eru orkutengd verkefni.“

VILJA SÉRHÆFA SIG Í ORKU OG IÐNAÐI

Ad sögn Eyjólfars Árna var tekin ákvörðun um það innan Mannvits fyrir margt löngu að ætla að sérhæfa sig í að þjónusta orku- og iðnaðargeirann. „Á árunum 2007 og 2008 þá töldum við okkur sjá það í spilunum að verkefni sem við vorum að vinna að gætu ekki haldist í svona miklu magni áfram og förum að undirbúa okkur fyrir að þetta myndi breytast. Það hefur skilað sér.

Grunnreksturinn hjá okkur var mjög góður en við áætluðum strax haustið 2008 að það gæti orðið um 35 prósent samdráttur hjá okkur. Við förum í ráðstafanir til að mæta því. Samdrátturinn varð minni, 25 til 27 prósent, en vegna þess að við mættum honum strax skiluðum við hagnaði upp frá því.“

Hann bendir þó á að Mannvit er þjónustufyrirtæki sem sveiflast mjög með fjárfestingum. Þær þurfa að vera fyrir hendi til að svona fyrirtæki þrífist, en fjárfesting er mjög lítil á Íslandi í dag. „Til samannburðar má benda á að Norðmenn eru að fjárfesta á þessu ári 186 milljarða norskra króna bara í olíu og gasi. Það samsvarar því að við værum að fjárfesta 250 til 260 milljarða íslenskra króna bara í einni atvinnugrein hér á Íslandi, þegar búið er að leiðrétta fyrir krónunni og mannfjöldanum. Það er svona tvöfalt meira en heildarfjárfesting í ár nemur á landinu öllu.“

Í ALPJÓÐLEGRI SAMKEPPNI

Á meðal þess sem Mannvit hefur gert til að auka möguleika sína til að bjóða upp á fjölbreyttari þjónustu var að stofna HRV Engineering árið 1996, en það er dótturfélag sem Mannvit á með Verkis og sérhæfir sig í þjónustu við áliðnaðinn. Eyjólfur Árni segir

þetta hafa verið mikið gæfu-spor. „Fyrir um 15 árum þegar verið var að byggja upp álverið á Grundartanga þá snerum við okkur að því að þjónusta þann geira mun meira en við höfðum verið að gera. Þá voru stofnarnar þrjár, sem síðar runnu saman í Mannvit, með um tíu til tuttugu manns að þjónusta áliðnaðinn í heild. Í dag eru um 230 manns að vinna við þetta. Það góða við að það séu svona mörg álver á Íslandi er að þá er hægt að byggja upp víðtæka þjónustu við þau. Hana er síðan hægt að flytja út. HRV er því í alþjóðlegri samkeppni vegna þeirrar þekkingar sem við höfum byggt þar upp.“

STOFNUÐU FÉLAG Í MOLDE

Á þessum grunni ákvað Mannvit, í gegnum HRV, að einbeita sér í auknum mæli að olíutengdum verkefnum líka. Búið er að stofna félag í Molde í Noregi með norskum samstarfsaðilum og eru sérfræðingar frá Mannviti fluttir þangað frá Íslandi til að vinna að uppbyggingu þess. Eyjólfur Árni segir stefnuna þó vera að byrja smátt, sem sé þó afstæð afstaða. „Það sem Norðmenn segja að sé smátt í olíu- og iðnaðinum er risastórt fyrir okkur. Bara í Molde vantar til að mynda um tvö þúsund manns til starfa í honum á þessu ári. Heildarfjöldi þeirra sem starfa í okkar geira á Íslandi á frjálsum markaði er um 1.400 manns. Stærðirnar eru því miklar.

Ásamt því að komast inn í olíu- og gasiðnaðinn er ætlun okkar að þjónusta áliðnað í Noregi í gegnum annað félag sem er stofnað sérstaklega. Mannvit er líka að vinna beint þarna í orkugeiranum við smærri virkjanir. Við eigum góða möguleika í orkugeiranum þar líka, enda er olíu- og gasgeirinn að soga til sín allt fólk þarna.“

MIKIL TÆKIFÆRI Á GRÆNLANDI

Á ráðstefnu sem Arion banki hélt nýverið um olíu á Drekasvæðinu kom fram að á árinu 2025 megi búast við olíuvinnslu á þremur svæðum norðan Íslands: við austurströnd Grænlands, á Drekasvæðinu og við Jan Mayen. Viðbúið er að íslensk fyrirtæki muni veita þjónustu fyrir öll svæðin.

Eyjólfur Árni bendir á að Íslendingar þurfi líka að undirbúa sig fyrir að þjónusta námu- iðnað í Grænlandi. Þar er búið að úthluta um 140 námu- og rannsóknarvinnsluleyfum auk þess sem álframleiðandinn Alcoa hefur uppi áform um að reisa þar álver. Þetta kemur allt til viðbótar við væntanlega olíuvinnslu við austurströnd landsins. Eyj-

MENNTUM OF LÍTIÐ AF TÆKNIFÓLKI

Eyjólfur Árni hefur miklar áhyggjur af því að íslenska menntakerfið mennti allt of lítið af tæknifólki í samanburði við þau lönd sem við berum okkur saman við. Það geti staðið þróun íslenskra hagkerfisins fyrir þrífum. „Það er heilmikil samkeppni um fólk á okkar markaði. Samtök atvinnulífsins unnu í vetur skýrslu þar sem kom í ljós að færri fólk á aldrinum 25 til 34 ára hérlandis, borið saman við OECD-löndin, er með háskólapróf. Á Íslandi eru það 37 prósent á þessu aldersbili. Á sama tíma eru 47 prósent Norðmanna á sama aldersbili með háskólapróf. Eina þjóðin



FORSTJÓRINN „Norðmenn eru að fjárfesta á þessu ári 186 milljarða norskra króna bara í olíu og gasi. Það samsvarar því að við værum að fjárfesta 250 til 260 milljarða íslenskra króna bara í einni atvinnugrein hérna á Íslandi, þegar búið er að leiðrétta fyrir krónunni og mannfjöldanum,” segir Eyjólfur Árni Rafnsson.

FRÉTTABLAÐIÐ/VA

ólfulur Árni segi innviði í Grænlandi vera of veika til að heimamenn geti þjónustað þessar miklu framkvæmdir. Nærtækast sé fyrir þá að líta til Íslands í leit að þeirri þjónustu. „Grænlandingar vilja fá Íslendinga í þessa þjónustu. Þeir segja það. Höfuðborgarsvæðið yrði alltaf kjarninn í því enda höfum við alla þá þjónustu sem til þarf þar. En þjónusta fyrir Grænland myndi líka skapa tækifæri nær þéttbýliskjörnum á vestur og norð-vesturhluta landsins.

Ef það reynist olía í vinnanlegu magni, hvort sem er á Austur-Grænlandi eða á Drekasvæðinu/Jan Mayen, þá eru bara tvö lönd sem koma til greina til að þjónusta þá vinnslu, Ísland eða Norður-Noregur. Þeir staðir sem koma raunverulega til greina í þessa þjónustu, að okkar mati, eru Akureyri, Húsavík og Egilsstaðir/Reyðarfjörður. Ástæðan er sú að þar er nægjanlegur fjöldi af fólki og nauðsynlegir innviðir til staðar. Þar eru til dæmis sjúkrahús og aðrar grunnstöðir. En allir Íslendingar munu njóta góðs af þegar upp er staðið.“

PURFUM Á HJÁLPAÐ HALDA

Spurður hvort Ísland, þessi fámenna þjóð, muni ráða við svona mörg stór verkefni á jafn skömmum tíma segir Eyjólfur Árni það

miklu frekar vera spurninguna en hvort við munum fá þau. „Ég held að við þurfum að taka okkur saman sem heild og undirbúa okkur til að ráða við þetta. En við þurfum aðstoð og hana eigum við að sækja til Norðmanna. Þeir gerðu allt mjög vel þegar þeir fundu sína olíu. Þá settu þeir í gang langtímaáætlun bæði hvað varðar eignarhald og í að byggja upp nauðsynlega þekkingu í olíu- og gasiðnaði í gegnum sitt skóla-

kerfi. Í dag eru Norðmenn á meðal þeirra fremstu í heiminum í því.“

Að mati Eyjólfars Árna þurfa stjórnvöld að móta heildræna framtíðarsýn um þessi mál. Hann telur það líka mjög hollt að þau leiti til Norðmanna eftir videigandi hjálpi til að takast á við þau. „Ég held að það sé mjög mikilvægt að gera það á stjórnvaldstigi. Þeir eiga Drekasvæðið á móti okkur og báðar þjóðir munu njóta góðs af.“

HUGMYNDIN AÐ GEYSI GREEN VAR RÉTT, EN FRAMKVÆMDIN HEFÐI MÁTT VERA BETRI

Félag í eigu Mannvits, VGK Invest, var á meðal þeirra sem stóðu að stofnun hins umdeilda Geysis Green Energy (GGE) í upphafi árs 2007. Félagið sérhæfði sig í starfsemi tengdri virkjun á jarðhitaorku. Í október 2007 var reynt að sameina GGE og Reykjavík Energy Invest (REI). Grunnhugmyndin að baki hins sameinaða félags var að nýta þá sérþekkingu sem byggst hafði upp innan Orkuveitu Reykjavíkur á sviði jarðvarmanýtingar erlendis. Sameiningin, og útrásaráformin, urðu hins vegar að engu líkt og frægt er orðið.

Eyjólfur Árni segir Mannvit ekki sjá eftir því að hafa lagt af stað í þetta ævintýri. „Auðvitað hefðum við viljað að þetta gengi upp. Og við sjáum eftir því að Geysir Green gerði það ekki. En þetta var hárrétt skref sem var tekið og hugsunin var rétt. Að fara inn í orkufyrirtæki þar sem bakgrunnspækning og rekstrarreynsla var til staðar og sigla síðan með það út fyrir landssteinana til að taka þátt í uppbyggingu orku- iðnaðarinn utan Íslands. Við áttum að fara út í þetta.

Hefðum við borið gæfu til þess að REI eða Geysir Green hefðu klárast á einhvern skynsamlegan máta, sem þessi verkefni gerðu því miður ekki, þá hefði orðið til mjög öflugt fyrirtæki. Það var ekki verið að selja neinar auðlindir úr landi, heldur átti að nýta þekkingu og reynslu. Hugmyndin var góð, en framkvæmdin hefði mátt vera önnur.“ Hann er líka mjög harður á því hvernig eigi að fara með þær orkuauðlindir, og í raun allar aðrar

náttúruauðlindir, sem Íslendingar eiga nú þegar. Þær á að nýta sem fyrst. „Við hjá Mannviti erum alveg grjóthörð á því að við viljum sjá auðlindir okkar nýttar. Jafnvel þótt það fái ekki allra hæsta verð fyrir þær núna, þá eigum við að nýta þær og nota arðinn til að byggja upp öflugt og vel menntað samfélag. Þá verður í framhaldinu hægt að fara að tala um nýsköpun og þróun á Íslandi. Það er heldur ekkert víst að það verði kaupandi að þessum verðmætum sem við eigum í dag, hvort sem þau eru í orkunni eða öðru, eftir 20, 30 eða 50 ár. Ef þau eru til staðar í dag, þá eigum við að selja í dag. Við eigum ekki að selja eignarhaldið á auðlindunum, heldur afurðina. Það er okkar skoðun.“

Að mati Eyjólfars Árna er því nauðsynlegt að ljúka rammaáætlun um nýtingu orkuauðlinda. Hann er þó óánægður með hvaða stefnu sú vinna hefur tekið með því að færri kostir hafa ratað í nýtingarflokk. „Við viljum sjá þessari vinnu lokið á þann faglega hátt sem lagur var af stað með og ná sátt. Það gengur ekki að leikreglunum sé breytt í hálfleik og að pólitíkin taki við. Það er mjög erfitt að mótmæla því að það gerðist. En mér finnst umræða um þessi mál oft og tíðum í furðulegum skotgrafarhernaði. Það læðist að manni sá grunur að einhverjir sem koma að málinu hafi hreinlega ekki viljað sátt. Að það sé hópur sem telur það hreinlega gott að hafa þessi mál áfram í átakarvegi til að geta rífist um þau.“

Í pínulítilli útrás með Rollersigns

Margmiðlun ehf. er komið í útrás með Rollersigns skilti sem breyta beltastöðum í auglýsingamiðil. Er með dreifingarrétt á Norðurlöndunum og í baltneskju ríkjum. Mörg íslensk fyrirtæki hafa sett búnaðinn upp hjá sér. Breytir afmörkun svæða í auglýsingu.

AUGLÝSINGAR

Pórður Snær Júlíusson
thordur@frettabladid.is

Íslenskt fyrirtæki, Margmiðlun ehf., hefur fengið dreifingarrétt fyrir svokölluð rúlluskilti á Norðurlöndunum, baltneskju ríkjum þremur auk Íslands. Markaðsstjóri fyrirtækisins segir það vera í pínulítilli útrás.

Rúlluskiltin, eða Rollersigns á ensku, er samsett vara. Um er að ræða hólka sem passar ofan á nánast allar hefðbundnar beltastöðir sem notaðar eru til að stýra umferð og afmarka svæði og eru til dæmis mjög mikið notaðar í brottfararsölum flugvalla. Fyrir þremur árum fékk Bretinn Robert Lewis þá hugmynd að það væru vannýtt tækifæri til að koma á framfæri skilaboðum eða auglýsingum á slíkum beltastöðum. Hann framleiddi því hólka með ákveðnum festingum, kom auglýsingaborða fyrir innan í honum og festi á stöðirnar. Borðinn var síðan dreginn niður eins og rúllugardína.

Jón H. Karlsson, sölustjóri Margmiðlunar, segir forsögu þess að fyrirtækið hóf viðskiptasamband við Lewis vera þá að Karl Heimir Karlsson, sem er eigandi Margmiðlunar ásamt Lárusi Guðmundssyni, sá hann í breskum þætti sem heitir „Dragon's Den“. „Í þáttinn koma menn og kynna viðskiptahugmyndir sínar fyrir margmillj-



ROLLERSIGNS Skiltin eru þegar komin upp á ýmsum stöðum hérlandis. Á meðal þeirra aðila sem nýta þau til auglýsinga er Smárabíó í Smáralindinni. FRÉTTABLAÐIÐ/ERNIR

ónerum og reyndum viðskiptamönnum sem sitja þar í panel og reyna að tala fyrir sinni hugmynd. Robert Lewis kynnti þar sína hugmynd og fékk ágætis viðtökur. Eftir þáttinn gat hann farið af stað með fyrirtæki til að markaðssetja hugmyndina á heimsvísu. Við hjá Margmiðlun settum okkar í samband við

hann og fengum dreifingarréttinn fyrir Ísland.“

Að sögn Jóns hefur varan fengið hreint ágætar viðtökur. „Það eru til dæmis komnar upp auglýsingar í Smárabíó. Flugfélag Íslands er búið að kaupa hólka frá okkur til að hafa á ellefu af áfangastöðum sínum. Kaffitár er búið að koma sér upp

afmörkun kaffiteríunnar í fríhöfninni í Keflavík. Munnharp-an fékk afhent skilti í síðustu viku. Við verðum með skilti sem aðalstuðningsaðili golfklúbbs Reykjavíkur ætla að setja upp á planinu hjá klúbbum til að bjóða félagsmenn velkomna. Við höfum því fengið hreint ágætar viðtökur.“

Við höfum þegar afgreitt fyrstu pöntun til Svíþjóðar, erum komnir í gang í Danmörku og Noregi og komnir í ákveðin tengsl í Finnlandi.

Síðar það Lewis Margmiðlun um að hjálpa sér með ákveðin landssvæði vegna þess að hann annað ekki eftirspurn. Í kjölfarið fékk fyrirtækið dreifingarrétt fyrir Norðurlönd og baltnesku ríkin Eistland, Lettland og Litháen. Þegar hefur verið gengið frá samningum við sænska fyrirtækið Vällingby Dekal Konscept um að gerast endursöluaðili fyrir Rollersigns í Svíþjóð. Jón segir fyrirtækið nú vinna að því að finna endurseljendur í öðrum löndum. „Við höfum þegar afgreitt fyrstu pöntun til Svíþjóðar, erum komnir í gang í Danmörku og Noregi og komnir í ákveðin tengsl í Finnlandi. Við eigum enn eftir að ná góðum tengslum í baltnesku ríkjum. En þetta er eins og fíll. Þú étur hann ekki í heilu lagi. Það má segja að við séum komnir í pínulítla útrás.“



Gunnhildur Gunnarsdóttir
Sviðsstjóri lögfræðisviðs
Íbúðalánasjóðs

PMD STJÓRNENDANÁM HR

PMD Stjórnendanám HR (Program for Management Development) er kjörið fyrir stjórnendur sem vilja bæta menntun sína og hæfni samhliða vinnu án þess að skuldbinda sig til langtímanáms.

Námið er hannað að alþjóðlegri fyrirmynd og lagað að íslenskum aðstæðum. Sérfræðingar og samstarfsaðilar Háskólans í Reykjavík sjá um kennsluna sem er byggð að miklu leyti á hagnýtum verkefnum tengdum atvinnulífinu.

NÁMSLOTUR:

- Forysta til framfara
- Stefnumótun og stjórnun breytinga
- Stefnumiðuð mannauðsstjórnun
- Rekstur og verðmætasköpun
- Árangur á markaði
- Samningar og verkefnastjórn



OPNI HÁSKÓLINN
Í HÁSKÓLANUM Í REYKJAVÍK

Skráðu þig núna á
www.opnihaskolinn.is

1877 2012



Pann 16. júní 1877 var prentað fyrsta eintakið af blaðinu Ísafold og markar það upphaf Ísafoldarprentsmiðju. Í ár fögnum við 135 ára afmæli og erum stolt af því að vera elsta starfandi prentsmiðja landsins og eitt elsta starfandi fyrirtæki á Íslandi. Ísafoldarprentsmiðja býður heildarlausnir í prentþjónustu, er leiðandi í hagkvæmum lausnum, hefur vaxið og styrkst í kreppunni og stendur sterkari en nokkru sinni fyrr.



Við höfum prentað í 135 ár

Gildin okkar eru: ÁREIÐANLEIKI - METNAÐUR - HAGKVÆMNI



Suðurhraun 1
Garðabæ
Sími: 595 0300
www.isafold.is

BANKAHÓLFID



Þórður Snær
Júlíusson

Endurtekna staðfestingar

Í febrúar 2009 kynnti Framsóknarflokkurinn sitt helsta tromp í kosningum sem fram undan voru, tilboð um tuttugu prósent almenna niðurfellingu skulda. Síðan þá hefur þessi krafa verið sett ítrekað fram og háværir þrýstihópar knúð á um að þessi leið verði farin. Fleiri og fleiri stjórnáamenn úr öllum flokkum hafa tekið undir þessa kröfu.

Á árinu 2012 einu saman hafa komið út þrjár skýrslur sem fara yfir málið. Hagfræðistofnun Háskóla Íslands vann þá fyrstu að beiðni ríkisstjórnarinnar í kjölfar þess að formaður Hagsmunasamtaka heimilanna afhenti forsætisráðherra undirskriftarlista þeirra sem vildu „almennar og réttlátar leiðréttingar á stökkbreyttum lánum heimilanna“. Niðurstaðan var nokkuð skýr. Nýju bankarnir hafa fullnýtt þann afslátt sem þeir fengu á húsnæðislánasöfnum, kostnaður við að færa lán niður um 18,7 prósent yrði rúmlega 200 milljarðar króna og hann myndi lenda nánast alfarið á skattgreiðendum, óháð því hvort þeir myndu fá niðurfellingu eða ekki.

Í byrjun apríl kynnti Seðlabankinn lokaniðurstöðu sína á greiningu á stöðu íslenskra heimila. Hún byggir á gagnagrunni sem bankinn aflaði á árinu 2009 og samanstendur af ítarlegum upplýsingum um hvert stakt lán, tekjur, fjölskyldugerð, búsetu og aldur. Hún nær til nærri því hvers einasta heimilis á landinu. Niðurstaðan var sú að tuttugu prósent almenn skuldaniðurfærsla á verðtryggtum lánum myndi kosta 261 milljarð króna. Um 57 prósent afskriftanna, tæplega 150 milljarðar króna, myndu falla í skaut tekjuháum heimilum. Það eru heimili sem hafa meira en 200 þúsund krónur á milli handanna á mánuði eftir að greitt hefur verið af lánum og lágmarksframfærslu. Einungis fjórðungur afskriftanna myndu skila sér til þeirra sem eru í greiðsluvanda.

Enn ein skýrslan var lögð fram á Alþingi í byrjun júní. Hún var afrakstur vinnu þriggja sérfræðinga sem unnin var fyrir þingið. Í henni kom fram að heildarkostnaður við 20 prósent niðurfærslu yrði 248 milljarðar króna. Þar af yrði beinn kostnaður ríkis og sveitarfélaga 172 milljarðar. Afgangurinn myndi skiptast á milli innlánsstofnana, sem eru að hluta til í eigu ríkisins, og lífeyrissjóða, sem eru í eigu okkar allra.

En öllum skýrslunum er vísað út í hafsauga af áhugamönnum um afskriftir. Þar sem þær sýna allar sömu niðurstöðu þá eru skýrslurnar sagðar illa skrifaðir leikþættir ríkisstjórnarinnar sem neitar að forgangsraða í þágu heimilanna. Það má gagnrýna sitjandi ríkisstjórn fyrir margt, og sumt ansi kostnaðarsamt, en það er út í hött að gagnrýna hana fyrir að gefa ekki hluta af þjóðinni tæplega fjórtán prósent af vergri landsframleiðslu vegna þess að hávæir minnihlutahópur heimtar það.

FRÁ 1. NÓVEMBER 2012 TAKA FYRIRTÆKI VIÐ GREIÐSLUKORTUM MEÐ ÖRGJÖRVA- POSA SEM SNÝR AÐ VIÐSKIPTAVINUM

Um heim allan innleiða alþjóðlegu kortafyrirtækin kröfur um **öryggi í kortaviðskiptum** til að sporna við fjársvikum skipulagðra glæpasamtaka. Nú er komið að íslenskum fyrirtækjum að uppfylla þessar kröfur. Fyrirtæki sem tekur við greiðslu með því að lesa segulrönd örgjörvakorts tekur á sig alla ábyrgð ef færslan reynist svíksamleg.



FYRIRTÆKI MEÐ AFGREIÐSLU- KERFI OG SJÁLFSTÆÐA POSA

Þjónustuaðilar eiga tilbúna lausnir, svo sem tengingar á milli afgreiðslukassa og örgjörvapos, tvo samtengda posa eða einn posa sem má snúa í báðar áttir.

Á VEFNUM WWW.PINNID.IS ERU UPPLÝSINGAR UM
AÐSTOÐ VIÐ FYRIRTÆKI VEGNA ÞESSARA BREYTINGA.

*** _

**PINNID
Á MINNIÐ**

Með verkefninu **Pinnið á minnið** er notkun greiðslukorta með örgjörva innleidd á Íslandi. Greiðsluveitan ehf., dótturfyrirtæki Seðlabanka Íslands, sér um framkvæmd verkefnisins ásamt færsluhirðunum Borgun, Valitor og Teller (samstarfsaðila Kortþjónustunnar). Verkefnið Pinnið á minnið er unnið með heimild Samkeppniseftirlitsins samanber ákvörðun 18/2010.

SHARP



SHARP SJÓDVÉL
XE-A207B

99 vöruflokkar
Allt að 2000 PLU númer
Rafrænn innri strímill 9000 línur
Stór LCD skjár
SD kortarauf
- hægt að flytja gögn yfir á PC
Sjálvirk dagsetning og tími
Hitaprentun
Íslenskur strímill

Kr. 69.900,-



SHARP SJÓDVÉL
XE-A113B

32 vöruflokkar
Allt að 200 PLU númer
Sjálvirk dagsetning og tími
Hitaprentun
Íslenskur strímill
Rafrænn innri strímill
Mjög auðveld í forritun

Kr. 54.900,-

SHARP SJÓDVÉL
XE-A213



Allt að 99 vöruflokkar
Allt að 1200 PLU númer
Sjálvirk dagsetning og tími
Hitaprentun
Íslenskur strímill
Rafrænn innri strímill
Mjög auðveld í forritun

Kr. 79.900,-

ORMSSON

LÁGMÚLA 8 · SÍMI 530 2800
www.ormsson.is

SHARP
E Ð A L V É L